



Isumaginninnermut, Suliffeqarnermut,
Ineqarnermut, Attaveqaasersuutinut,
Isorliunerusunullu Naalakkersuisoq
box909@ina.gl

Ulloq: 07-01-2026
J.nr.:01.37.01.03-00205

UKA2025/171+172 – Angalasunut akit allangornerisa kinguneri

Ukiakkut ataatsimiinnerup nalaani Inatsisartut aalajangiiffigisassatut siunnersuutit tulliuuttut Sanaartornermut ataatsimiititaliamit suliarineqarput:

UKA2025/171: Meeqqat 18-inik ukioqalernissami tungaanut pisortat ingerlataannik angalatitsiviit aqutigalugit meeqqatut akeqalernissaasa aningaasatigut qanoq kingunerisaasa misissorneqarnissaat. Misissuineq malittarisassat allangortinnissaannik tunngaveqassaaq kingusinnerpaamillu UPA2026-mi saqqummiunneqassalluni.

UKA2025/172: Soraarninngornikut pisortat ingerlataannik angalatitsiviit aqutigalugit akikinnerusumik angalasinnaanerat ukioq naallugu atuutilerpat aammalu soraarnerussutisiaqartunut billetsit ukioq kaajallallugu killeqanngitsumik pisiassaasinnaalernissaat. Misissuineq kingusinnerpaamik UPA2026-mi saqqummiunneqassaaq.

Inatsisartut ataatsimiittarfianni oqallinneq nangillugu immikkoortut tulliini allassimasut ataatsimiititaliamit itisileqquneqarput. Ukioq manna Air Greenlandip amigartooruteqarnissaa naatsorsuutigineqarpoq, angalanerit ingerlatseqatigiiffiullu ingerlatsinerat ataatsimiititaliamit nalunaarsorneqarnissaat kissaatigineqarpoq.

1. Arctic Umiaq Line: Umiarsuaq nutaanngilisoq, siunissamilu iliuusissat nalornisigineqarput. Umiarsuaq pillugu pilersaarutit pillugit ataatsimiititaliaq ilisimatinneqarnissaminik kissaateqarpoq.
2. Naatsorsuutigineqartut amigartooruteqarnerujussuarmut Air Greenlandip nammineq sipaarniuteqarfissatut periarfissanik nammineq nassaarsinnaava?
3. Naalakkersuisut naliliinerat malillugu Disko Line utoqqarnut pitsorluttunullu naapertuuttumik sullissiva?
4. Nordlandairimik timmisartuussinerit iluatsippat?

Aningaasanut inatsisissatut siunnersuummut tunngatillugu Air Greenlandip sorarninngornikut akikinnerusumik utoqqarnut angalasinnaaneri itisilerneqarnissaat kissaatigineqarpoq:

5. Akikillisaavigineqartarnerit qanoq annertutigisumik maannakkut atorineqartarpat?
6. Atuisunut paasititsiniaaneq naammappa?

7. Utoqqaat angalanissaminnik inniminniissaminnut sunik periarfissaqarpat? Internetikkuinnaq inniminniinissaq periarfissaava, imaluunniit angalatitsivikkut inniminniissaminnut aamma periarfissaqarpat? Inuttut nammineq sullinneqarnermut akiligassinneqartarpat?

Apeqqutinut siuliani allassimasunut allakkatigut akissutit (kalaallisut danskisullu) sapinngisamik piaarnerpaamik tiguneqarnissaat ataatsimiititaliamit qinnutigineqarpoq. Akissuteqaat qarasaasiakkut ataatsimiititaliap allattaanut (lajum@inatsisartut.gl) aammalu Inatsisartunut (inatsisartut@inatsisartut.gl.-imut) nassiuteqquneqarput.

Apeqqutit siuliani allassimasut – nipangiussisussaaneq eqqarsaatigalugu – oqaasinngorlugit akineqartariaqartut Naalakkersuisut naliliippata, tamanna sapinngisamik piaartumik nalunaarutigeqquneqarpoq, tassungalugu ilanngullugu ilisimatitsiffiusumik ataatsimiinnerujunnartumut ulluliussassatut siunnersuuteqarluni.

Qujareerlunga.

Sanaartornermut ataatsimiititaliaq

Sinnerlugu



Justus Hansen
Udvalgsformand